

natu Dalem & Valckenburg. Lacus, Stagna, & Flumina non parum adferunt commodi Brabantiae. Horum autem principes *Mosa & Scaldis*. Sunt & alia minora. Silvis quoque abundat regio, quarum praecipuae sunt quinque, *Soniensis, Saventerloo, Grootenhout, Grootenheist & Meerdaal*. Opera publica tam sacra quam prophana hic sunt plurima. Inter ea Templum Lovaniense praecipuum, est Divo Petro sacrum, magnificum valde & sumptuosum. Bruxellae templa sumptu excellent, egregia & debita suppellectili ornata. Aedes quoque sacras habet Antverpia plurimas, inter quas Aedes B. Virginis amplissima. Alia hic & in aliis locis quae pene innumera sunt, praetereo: atque etiam Opera prophana plurima: Palatia, Nobilium domos, Arces, Castella & ejusmodi. Ceterum Status Politicus Brabantiae tria habet Membra: Ecclesiasticos, qui sunt Abbates, *Afli-ghemensis, Grimbergensis, Tongerlo, Grunendalensis, S. Gertrudis Lovanii, S. Bernardi, Vileer, Dieleghem, Parckensis* prope Lovanium; *Vlierbekensis* prope Lovanium; Prior magnus Ordinis, *S. Augustini* in Leewe, *Gemblacensis* (*Gemblours*.) Nobiles qui sunt, Abbas *Gemblacensis* Comes; *Dux Arschotensis*; *Marchio Bergensis ad Sommarivulum*. Barones, *Diestensis, Bredanus, Boxtelensis, Gaebeekensis, Wesemael, Petersem, Perweys, Hoochstratenensis* nunc Comes; *Renes*. Domini, *Aschensis, Merchensis, Vuerne, Gheel, Lummen, Thurnout, Oosterwick, S. Oedenroy, Walem, Duffel*. Civitates IV principales, *Lovanium, Bruxella, Antverpia, Buscoducum*, de quibus supra. Statum ejus Ecclesiasticum quod attinet. Partim paret *Leodiensi* Episcopo, partim *Cameracensi*: *Leodiensis* Curiam & Magistratum Ecclesiasticum habet Lovanii; *Cameracensis*, Bruxellae. Academiam habet Lovanium celeberrimam: de qua in generali Belgii descriptione uberius. Brabantii hilares, festivi, in scenicis comicisque moribus immodici, teste Lemnio. Praeter Brabantiam continentur hac Tabula *Ducatus Juliacensis & Clivensis*. Horum ergo Statum Politicum ex Mercatore adjiciamus. Status Politicus *Juliacensis* constat similiter IIII Membris quae sunt Ecclesiastici, videlicet Abbates, & Collegia Canonieorum ac Monasteriorum: Nobilitas: Civitates. Praefectura ditionis 24, *Caster, Brugge, Born, Boisseleer, Eufskirchen, Munstereyffil, Monion, Eschweiler, Grevenbroich, Wassenberg, Geilenkirchen, Hensbergh, Duren, Thonberg, Berchem, Heimbach, Wilhelmstein, Gladbach, Millen, Rangemrayd, Norvenich, Nuenar* Comitatus, *Juliacum, Nideken*. *Clivensis* similiter tres Ordines continet, Ecclesiasticum, Nobilitatem & Civitates. Satrapa autem sive Praefectus Provincialis Clivae has sub se habet Civitates 8: *Cliviam* Metropolim, *Calcariam, Sonsbeke* ubi residet, *Santen, Burick, Udem, Griet, Griethusen*. Praefectura vero hic sunt 14, *Cranenburg, Duffel, Gennep, Goch, Orsoy, Huesen, juxta Arnhem, Lymers, Emmerick, Huer, Aspel, Ringenburg, Bisselick, Dinslaken* Praefectura, in qua sunt IV Civitates, *Dinslaken, Wesel, Dinsburg, Schermbeke, Holte*. Dominium *Ravesteyn* adnexum est Curiae Clivae.

Lacus.
Flumina.
Silva.
Opera publica.

Schola.

Mores.